



Շուշանիկ Կուրդինյան

Խաղաղություն հյուղերիդ մութ . . .

Խաղաղություն հյուղերիդ մութ
Ու գետնափոր .
Մկաններիդ՝ հանգիստ չառած .
Պարզ սրտերիդ,
Վայելքների<ն> միշտ անհաղորդ:

Խաղաղություն երագներիդ
Ցավով վիժված .
Բաղձանքներիդ միշտ անկատար
Ու շնչահեղձ,
Կսկիծներից սահմանն անցած:

Խաղաղություն թալանների,
Ոճիրների
Երկրիդ չքնաղ, գեղատեսիլ .
Խաղաղություն
Մեծիդ, փոքրիդ հավե՛տ, հավե՛տ . . .

1921 թ.